

անվանի գործիչների (Զաքարիա Վաղարշապատցի, Եսայի Սյունեցի, Պողոս Տիվրիկեցի և ուրիշներ): Այդտեղ ուսանած գրիչների ընդօրինակությունների մեծ մասը պահվում է Երևանի Մեսրոպ Մաշտոցի անվ. Մատենադարանում:

**ԱՆԱՆԻԱ ԹԱՐԳՄԱՆԻՉ** (այլ անվամբ՝ Ա ն ա ն ի ա Ս յ ո ն ե ց ի. հիշված է նաև Ա ն ա ն ի ա ս ն Ա ն ա ն ե, ծն. և մահ. թթ. անհտ.), հայ առաջին թարգմանիչներից: Ապրել է V դ., աշակերտել Մեսրոպ Մաշտոցին, գործակցել նրան աղվանից գիրն ստեղծելիս: Չեռնադրվել է Սյունյաց եպիսկոպոս, հիմնադրել տեղի դպրոցը: Մասնակցել է Արտաշատի ժողովին (449) և ստորագրել պարսից զորապետ Մհերներսեհին ուղարկված պատասխան նամակը: Նրան են վերագրում «Ի խորհուրդ Յովնանու մարգարեի», «Յաղագս Յովհաննու Մկրտչի» ճառերը և հույն մատենագիրներ Փիլոնի ու Իրենեոսի գործերի թարգմանությունները:

Գրկ. Ս ա թ գ ս յ ա ն Բ., Անանիա թարգմանիչն և յուր գրական գործոց նմուշներ, վնտ., 1899:

**ԱՆԱՆԻԱ ՆԱՐԵԿԱՏԻ**, Ա ն ա ն ե Ն ա թ ե կ ա ց ի (ծն. թ. անհտ.— մոտ 978), հայ մատենագիր, փիլիսոփա, Նարեկավանքի առաջնորդ և դպրոցի հիմնադիր: Գրիգոր Նարեկացու ազգականներից: Կասկածվել է թոնդրակյան շարժմանը հարելու մեջ: Կաթողիկոս Անանիա Ա Մոկացու պահանջով իր դավանանքի մասին գրել է «Գիր խոստովանութան»-ը, որով հերքել է աղանդավոր լինելու վերաբերյալ իր դեմ եղած մեղադրանքները: Նույն կաթողիկոսի հրամանով է գրել «Նալաճառութիւն ընդդեմ թոնդրակեցոց»-ը, որից մի քաղվածք է պահպանվել Նովհաննես Երզնկացու մոտ: Ուխտանեսը հիշատակում է նաև Ա. Ն-ու «Նաւատարմատ» (973) գործը, ուր ձաղկել է «*երկաքրնակներին*»: Ա. Ն-ու գրվածքները կարևոր աղբյուրներ են թոնդրակեցիների գաղափարախոսությունն ուսումնասիրելու համար: Որպես մանկավարժ Ա. Ն. մեծ տեղ է տվել գրականությանը և երգեցողությանը: Դասավանդման մեջ նա առաջնային է համարել ուսուցչի անձնական օրինակը, գիտելիքների հարստությունը: Ա. Ն-ու աշակերտներից հայտնի են Գրիգոր Նարեկացին և նրա եղբայր Նովհաննեսը: Աշակերտներից Ուխտանեսը նրա խնդրանքով գրել է «Պատմութիւն Տայոց»-ը:

Գրկ. Ա ճ ա ռ յ ա ն Շ. Շ., Տայոց անձնանունների բառարան, հ. 1, Ե., 1942, էջ 151:  
Ա. Ղազինյան

**ԱՆԱՆԻԱ ԵՐԱԿԱՏԻ** (ծն. և մահ. թթ. անհտ.), VII դարի հայ գիտնական. առաջինը կայուն հիմքերի վրա դրեց ճշգրիտ գիտությունների ուսումնասիրությունը Տայաստանում: Տետագտողների մի մասի կարծիքով Ա. Ե. ծնվել է Երևակի կամ Երևակավան (Երագգավորս), կամ Անանիա (Անեանք) գյուղում, իսկ մյուս մասի կարծիքով՝ Անիում: Նախնական կրթությունը հավանաբար ստացել է Դպրեվանքի դպրոցում, այնուհետև, գիտելիքները խորացնելու նպատակով, 11 տարի ճանապարհորդել ու սովորել արտասահմանում, որից 8 տարին՝ հույն նշանավոր գիտնական Տյուքիկոսի դպրոցում (Տրապիզոն):

վերադառնալով հայրենիք, ծավալել է գիտական ու մանկավարժական գործունեություն՝ բացել դպրոց, գրել դասագրքեր:

Մեծ է Ա. Շ-ու գիտական գործունեության ոլորտը. զբաղվել է աստղագիտությամբ, մաթեմատիկայով, տոմարագիտությամբ, աշխարհագրությամբ ևն: Ընդհանրացնելով ու զարգացնելով նախորդ հայ մատենագիրների նվաճումները, հետազոտելով այլազգի առաջավոր գիտնականների աշխատությունները՝ նա մշակել է իր սեփական իմաստասիրական համակարգը: Աստղագիտական աշխատություններում քննության է առել Արեգակի, Երկրագնդի, Լուսնի, աստղերի և Տիեզերքում տեղի ունեցող երևույթների հետ կապված հարցեր. ընդունել է Երկրի գնդաձևությունը, հակոտնյա աշխարհի գոյությունը, նրան հայտնի է եղել, որ լույսի տարածման արագությունը շատ ավելի մեծ է, քան ձայնինը: Նա գտնում էր, որ Օիր Կաթինը թույլ պայծառության աստղերի բազմություն է, Լուսինը՝ սեփական լույսից զուրկ պինդ մարմին՝ երևում է Արեգակի ճառագայթների անդրադարձմամբ. նրա վրա երևացող մութ բծերը մակերևութային անհարթություններ են: Ճիշտ է բացատրել Լուսնի փուլերի առաջացումը, Արեգակի և Լուսնի խավարումները: Ծովերի մակերևացություններն ու տեղատվությունները համարել է Լուսնի ազդեցության արդյունք:

եզրակացնում էր, որ Արեգակը մեծ է թե՛ Լուսնից, թե՛ Երկրից և գտնվում է շատ մեծ հեռավորության վրա:


Իր աշխատություններում Ա. Շ. նշել է աստղագիտության մի շարք գործնական կիրառություններ (մասնավորապես՝ նավագնացության ժամանակ կողմնորոշվելու համար և օրվա ժամը որոշելիս): Տվել է Հայաստանի միջին լայնության համար ստվերաչափ կազմելու կանոնը: Կազմել է Լուսնի ծննդի ու լրման 19-ամյա պարբերաշրջանի աղյուսակները: Կատարել է զանազան տոմարական հաշվումներ և տվել առնչություններ ոչ միայն հայկական, այլև մի շարք ազգերի օրացույցների վերաբերյալ: Կազմել է 532 տարվա տոմարական աղյուսակ, տվել հայկական «անշարժ» տոմարի առաջին նախագիծը: Նրա զբոսըն է պատկանում հռչակավոր տոմարագետ Անդրեաս Բյուզանդացու տոմարի մեկնությունը, ուր միաժամանակ բազմաթիվ տվյալներ է զետեղել նաև հայկական օրացույցի մասին: Ի դեպ, Անդրեաս Բյուզանդացու աշխատության բնագիրը չի պահպանվել, և նրա մասին մենք զաղափար ենք կազմում Ա. Շ-ու մեկնությունից:

Մեծ արժեք են ներկայացնում Ա. Շ-ու աշխատություններում հանդիպող աստղագիտական հայկական տերմինների մեկնությունները:

Ա. Շ-ու մաթեմատիկական բովանդակություն ունեցող աշխատություններից ամենաարժեքավորը թվաբանության դասագիրքն է՝ գումարման, հանման, բազմապատկման և բաժանման գործողություններն ամփոփող աղյուսակներով:

Միջնադարյան Հայաստանում թվերն արտահայտվել են մեքրոպյան այբուբենի տառերով. առաջին ինը տառով նշանակվել են միավորները, հաջորդ իննյակներով համապատասխանաբար՝ տասնավորները, հարյուրավորները և հազարավորները: Հայկական այբուբենի տառերով կարելի է գրել մինչև 9999: 10 000-ի համար հայերն ունեցել են համապատասխան տառի վրա դրվող «բյուր» կոչվող հատուկ նշան (ա—10 000, ծ—100 000 ևն): Ա. Շ-ու աղյուսակներում ինչպես հավասարման, այնպես էլ թվաբանական չորս գործողությունների նշանների չենք հանդիպում (դրանք մեծ մասամբ սկսել են գործածվել XV—XVI դդ.): Գումարման և հանման աղյուսակները կազմված են միավորների, տասնավորների, հարյուրավորների համար. նրանցում գործածված թվերի սահմանը հասնում է 11000-ի: Աղյուսակները կազմված են որոշակի օրինաչափությամբ: Բազմապատկման աղյուսակները բաղկացած են 36 խմբից, յուրաքանչյուր խմբում կա 37 արտադրյալ, ամենամեծ արտադրյալը հավասար է 9000·10<sup>4</sup>: Անշուշտ, բաժանման գործողությունն ավելի մեծ բարդությունների հետ էր կապված. նախքան բաժանման աղյուսակներ կազմելը կազմվում էին, այսպես կոչված, «վեցհազարակի»՝ հակադարձ մեծությունների աղյուսակներ, որոնցում արտադրյալները հավասար էին 6000-ի (տես ձեռագրի նմուշները): Գրքում զետեղված են նաև թվաբանական և երկրաչափական պրոգրեսիաներ իրենցնող աղյուսակներ, մի

շարք խնդիրներ, խրախճանականեր ևն: Ա. Շ-ուց շատ առաջ Հունաստանում, Հռոմում և այլուր գրվել են թվաբանական և հանրահաշվական աշխատություններ, սակայն, ինչպես արդեն հաստատված է, մեզ հասածներից և ոչ մեկը իր ընդգրկումով այնքան ամբողջական չէ, որքան Ա. Շ-ու աշխատությունը:



Չորս աստղերի տեղի ամենամեծ թվաբանական աղյուսակը: Այս աղյուսակը համարվում է Ա. Շ-ու աշխատության ամենաարժեքավորը: Այն պարունակում է 532 տարվա տոմարական աղյուսակ, որտեղ ներկայացված է հայկական «անշարժ» տոմարի մեկնությունը, որտեղ միաժամանակ բազմաթիվ տվյալներ են զետեղվել նաև հայկական օրացույցի մասին: Ի դեպ, Անդրեաս Բյուզանդացու աշխատության բնագիրը չի պահպանվել, և նրա մասին մենք զաղափար ենք կազմում Ա. Շ-ու մեկնությունից:

Անանիա Շիրակացու կազմած բոլորակներից:

Դասագրքում բերված խնդիրներն ու նրանց պատասխանները ենթադրել են տալիս, որ դրանք լուծվել են տարբեր, մասնավորապես, կեղծ դրության և ինվերսիայի եղանակներով: Ա. Շ-ու դասագրքում կան նաև այնպիսի խնդիրներ, որոնք եզրագծային և հունական մինչ այդ հայտնի եղանակներով լուծելը դժվար է: Ա. Շ-ու կազմած սրամիտ և բովանդակալից խրախճանական խնդիրների մի մասը մինչև այժմ էլ որոշ փոփոխություններով պահպանվել է հայ ժողովրդի բանահյուսությունում (տես Խրախճանականեր): Ա. Շ-ու մեզ հասած աշխատություններից գիտական հետաքրքրություն են ներկայացնում նաև թանկարժեք քարերին, չափ ու կշիռներին, ֆիզիկայի և օդերևութաբանության զանազան հարցերին վերաբերող ուսումնասիրությունները:

Պատմաբան գիտնականների մի մասն ընդունում է, որ Ա. Շ-ու գրչին է պատկանում նաև «Աշխարհացոյց»-ը, ուր արժեքավոր բազմաթիվ տեղեկություններ կան պատմական Հայաստանի ու նրա հարևան երկրների վերաբերյալ:

Ա. Շ. կազմել է ձայնագիտության բնագավառում իր ժամանակի չափանիշով առաջավոր ուսմունք ներկայացնող «տասնակարգյան աղյուսակի» հայկական տարբերակը, որով մեծապես հարստացրել է հայ երաժշտագիտությունը՝ ձայների, ձայնամիջոցների և ձայնաշարերի կազմությանը վերաբերող նոր գաղափարներով: Ըստ մի շարք աղբյուրների, հորինել է «քաղցրալուր» շարականներ:




«Առ խոստացյալսն» աշխատության անվանաթերթը:

Ա. Շ. երկրակենտրոն համակարգի կողմնակից էր և ըստ այդմ էլ բացատրում էր տարվա եղանակների, գիշերվա ու ցերեկվա առաջացումը: Որոշ համեմատությունների ու դատողությունների միջոցով

Իր աշխատություններում Ա. Շ. շոշափում է բազմաթիվ փիլիսոփայական հարցեր: Ըստ նրա, բնության մեջ գոյություն ունեցող բոլոր նյութերը չորս հիմնական տարրերի՝ հողի, ջրի, օդի ու կրակի տարրեր միավորումներն ու համադրություններն են: Հշմարտության բացահայտման խնդրում Ա. Շ. մեծ տեղ է հատկացնում փորձին ու դիտողականությանը, զգայելին համարելով որպես առաջնային, իսկ զգայությունը՝ երկրորդային: Բնության մեջ սման ինչ փոփոխության է ենթարկվում, ծնվում, զարգանում և ապա մահանում՝ բնորոշելով այլ գոյած: Ա. Շ. հանգում է նաև բնության մեջ հակասությունների գոյության ու նրանց միասնության ըմբռնմանը՝ այն համարելով բնության գոյության օրենք: Նա գրում է. «... զի լինելութիւն իցէ սկիզբն ապականութեան, և ապականութիւն դարձեալ անդրէն իցէ սկիզբն լինելութեան: Զի այսմ անվնաս հակառակութիւն՝ աշխարհ առցէ զտեւոդութիւն» («Տիեզերագիտութիւն և տոմար», 1940, էջ 31):

առաջին մշակողներից մեկը, Ա. Շ. սահմանափակել է աստվածաբանության յղորտները և հնարավորություն ստեղծել բնական ու փորձնական գիտությունների զարգացման համար: Ա. Շ-ու գիտա-մանկավարժական գործունեության և աշխարհայացքի վերլուծությունը վկայում է ինչպես նրա հայացքների բացառիկ խորության ու ինքնուրույնության, այնպես էլ միջնադարյան հայ առաջավոր բնագիտական, փիլիսոփայական ու մանկավարժական մտքի զարգացման գործում մատուցած մեծ ծառայությունների մասին: Ա. Շ-ու աշխատություններում շոշափված հարցերի գիտական բացատրությունների արժեքը դուրս է գալիս հայկական միջնադարյան գիտության շրջանակներից և խոշոր արժեք ներկայացնում համաշխարհային մշակույթի և գիտության պատմության համար: Մեծ է Ա. Շ-ու թողած ժառանգության ազդեցությունը հայ գիտության և դպրության հետագա զարգացման վրա. դարեր շարունակ նրա դասագրքերով են առաջ-

дис. и коммент. К. С. Тер-Давтяна и С. С. Аревшатяна, Е., 1962.  
 Գրվ. Տ եր-Մ կրտ չյ յ ա ն Գ., Անանիա Շիրակացի, Վաղ-պատ, 1896: Արքա-հ ա մ յ ա ն Ա. Գ., Անանիա Շիրակացու մատենագրությունը. ուսումնասիրություն, Ե., 1944: Առաքելյան Ա., Անանիա Շիրակացի, Ե., 1955: Անանիա Շիրակացի, Ե., 1958: Պ ե տր ո ս յ ա ն Գ., Մաթեմատիկան Հայաստանում հին և միջին դարերում, Ե., 1959: Թ ա հ մ ի զ յ ա ն Ա., Մի էջ հայկական վաղ միջնադարյան երաժշտական տեսությունից, «ԲՄ», 1960, № 5: Թ ո ս մ ա յ ա ն Բ., Հայ աստղագիտության պատմություն, հ. 1, Ե., 1964: Խր լ ը յ ա ն Գ. Տ., Անանիա Շիրակացու աշխարհայացքը, Ե., 1964: Ա ն ա ս յ ա ն Հ. Մ., Հայկական մատենագիտություն, հ. 1, Ե., 1959, էջ 731—74: Ч а л о я н В., История армянской философии (древний и средневеков. период), Е., 1959: Petri W., Ananija Schirakazi—ein armenischer Kosmograph des 7. Jahrhunderts. «Zeitschrift», der Deutschen Morgenländischen Gesellschaft», В. 114, München, 1964. Բ. Թումանյան, Ա. Մաթևոսյան, Վ. Զաչյան, Ա. Արքահամյան, Ն. Թահմիզյան



**ԱՆԱՆԻԿՅԱՆ** Մարտիրոս Հարությունի (1875—1924), ամերիկահայ բանասեր, հրապարակախոս, ռամկավար կուսակցության գործիչ: Ծնվել է դեկտ. 25-ին, Սեբաստիայում: Ավարտել է Այնթապի Կենտրոնական Թուրքիայի թուեղը (1895) և Հարթֆորդի (ԱՄՆ) Աստվածաբանական ճեմարանը (1901): Ա. զբաղվել է հնդեվրոպական և սեմական հին ու նոր լեզուների (հայերեն, պարսկերեն, լատիներեն, հունարեն, անգլերեն, գերմաներեն, երբայերեն, արաբերեն), նաև արևելյան հին ու նոր կրոնների, մասնավորաբար մահմեդական աստվածաբանության, ուսումնասիրությամբ: Ա-ի «Հայոց հին կրոնը» հոդվածը լույս է տեսել «Hasting's Encyclopaedia of Religions and Ethics», իսկ «Հայոց դիցաբանությունը»՝ «Encyclopaedia of Mythology of Races» հանրագիտարանների առաջին հատորներում: Ա. աշխատակցել է «Հայաստանի կոչնակ»-ին, որտեղ հրատարակվել են նրա «Մեծն Ներսես Պարթև», «Հայ ազգին ծագումը», «Զննական պատմություն հայոց», «Նարեկացին և Նարեկը» և այլ գործեր: Մահացել է օգոստոսի 4-ին, Դամասկոսում: Երկ. Վարդանանց պատերազմը, Նյու Յորք, 1918: Զննական ուսումնասիրություններ, Նյու Յորք, 1932:

Զախից՝ նմուշ Անանիա Շիրակացու «Վեցիազարեակ» թվերի բաժանման աղյուսակներից: Աջից՝ նմուշ Անանիա Շիրակացու գումարման աղյուսակներից:

Ազդվելով ժամանակի առաջավոր սոցիալ-քաղաքական ու մշակութային շարժումներից և անմիջականորեն ուսումնասիրելով բնությունը՝ նա կարողացել է տեսնել միջնադարյան կրոնական որոշ տեսակետների անհեթեթությունը և փորձել է դրանք փոխարինել գիտականով: Որպես այդ ընթացքի տրամաբանական հետևանք, շատ հարցերում նա շեղվել է միջնադարյան եկեղեցու գաղափարախոսությունից և ինքը դարձել ոչ կրոնական, հակաեկեղեցական հոսանքի հիմնադիրներից մեկը: Լինելով Հայաստանում «Հըշմարտության երկակիություն» ուսմունքի

նորոգվել մեր դպրոցներում, օգտագործվել են կազմած աղյուսակներն ու ուսումնասիրությունների արդյունքները, իսկ նրա տոմարագիտական աշխատությունները մինչև այժմ էլ չեն կորցրել իրենց թարմությունը: Ա. Շ. փաստորեն բնական գիտությունների հիմնադիրն է Հայաստանում: Երկ. Մնացորդ բանից, ի լույս ած Զ. Պ. [ատկանյան], ՄԳԲ, 1877: Տիեզերագիտութիւն և տոմար, աշխատասիր. Ա. Արքահամյանի, Ե., 1940: Լուսնի պարբերաշրջանները, աշխատասիր. Ա. Արքահամյանի, Ե., 1962: Вопросы и ответы..., изд. и пер И. А. Орбели, П., 1918; Космография, пер. с древнеарм., пре-

**ԱՆԱՆԻՅԱՆ ՄՇԱԿՈՅՑ**, հնագիտական մշակույթ: Տարածված էր Կասմա և մասամբ Վոլգա գետերի ավազանում, մ. թ. ա. VIII—III դդ.: Անվանումը ստացել է Անանիոս գյուղից (Թաթարական ԻՍՍՀ, Ելարովի շրջան), որի մոտ 1858-ին հայտնաբերվել է հարուստ դարձարանադաշտ: Անանիեցիները զբաղվել են պղնձի, երկաթի, ոսկրի, կաշվի մշակությամբ, բրուտագործությամբ, երկրագործությամբ, անասնապահությամբ, ձկնորսությամբ և որսորդությամբ: Առևտրական կապեր են ունեցել սկյութների, սարմատների, Կովկասի և Սիբիրի ցեղերի հետ: Ոմանք կարծում են, որ անանիեցիները ուղմուրտների և կոմի-գիրյանների նախնիներն են:

**ԱՆԱՆՅԱՆ** Անահիտ Արշակի (ծն. 1900), հայ սովետ. բանջարաբույծ-սելեկցիոներ: